

本书出版得到国家古籍整理出版专项经费资助

清代吏治史料

线装书局

官员銓选史料二〇

清代吏治史料



經筵講官太子太保保和殿大學士兼管吏部戶部尚書事加二級臣張廷玉等謹

題

為才具平庸情愿改補教職事該臣等議得河東總督田文鏡疏稱蕭系尹係部選武安縣知縣於雍正六年三月初二日到任經臣將試用知縣唐鐸祖題署武安縣印務蕭系尹照無任可到之例另有缺出題補緣一時無可補之缺經臣委署知縣印務於雍正六年八月十二日到任十月十六日離任在省候補今蕭系尹具呈自白賦性庸愚不諳吏治惟恐有悞民社重任情愿改就教職盡心訓迪相應具題等因前來 查康熙

六十一年十二月內臣部會覆遵

旨議奏事一疏嗣後進士舉人知縣內有年不老人不及應解退之人以教職改補等因奉

旨依議欽此又縣令改授教職者奉有

諭旨教官有化導士子之責較里民之任關係尤重伊等應當殫心竭力以盡

職守倘因改教之故志氣驟頽諸凡怠忽著各省巡撫學政查叅從重議處
欽遵各在案查蕭系尹廣東進士原選河南武安縣知縣續經該督卽唐
澤祖題署武安縣該員委署知縣離任在省候補今該督既稱蕭系尹呈
稱自分賦性庸愚不諳吏部惟恐有悞民社重任愿就教職等語應如該
督所請蕭系尹准其回籍以教職補用改用之後如不思殫心竭力以盡
職守有隳頽怠忽等情令該撫學政查叅從重議處叅候

命下 臣部遵奉施行臣等未敢擅便謹

題請

旨 雍正七年四月十三日題本月十五日奉

旨依議

吏部右侍郎總理清查江蘇各屬錢糧事務臣彭維新謹
奏為恭謝

天恩事竊臣奉

命總理清查江蘇各屬積欠錢糧於雍正七年三月十六日抵蘇州府城十七
日准署理蘇州巡撫印務臣王幾咨准吏部咨開雍正七年二月二十三
日奉

旨彭維新著補授吏部右侍郎王承烈著調補刑部右侍郎漕運總督張大有
本係柔懦庸才近因年老愈覺精神昏憤不宜總督之任著調補工部右侍
郎漕運總督員缺著副都御史性桂補授性桂奉差浙江有清查辦理之事
且李衛奏請進京陛見將總督印務交與性桂署理著性桂於浙江事竣後
再赴總漕之任今年催漕事務仍著張大有辦理欵此等因到臣臣恭設香
案望

闕叩頭祇謝

天恩訖伏念臣一介微賤仰荷

皇上隆恩優擢禮刑二部侍郎復

命臣總理清查江蘓積欠錢糧臣欽遵

諭旨未効涓埃乃蒙

特恩補授吏部侍郎

寵渥逾分感悚靡殷惟有益勵清白實心辦事以期仰副

聖主委任之至意所有微臣感激愚忱理合恭疏

奏
謝

天恩謹具奏

聞雍正七年三月二十二日奏四月十五日奉

旨該部知道

兵部尚書兼都察院右都御史總督雲南貴州廣西三省等處地方軍務兼理糧餉世襲頭等阿達哈哈番加十二級紀錄二次臣鄂爾泰謹

題為

題補官員事該臣看得武定府同知黃之鉉在任病故景東府掌印同知王鐸陞任澉江府知府所遺員缺均屬緊要未便久懸今查有新興州知州王元烈材具強幹人顧行止凡有差委俱能實心効力又趙州知州徐樹閔貌似拙鈍辦事勤慎即如田畝一件既能清查復無滋擾且能編造魚鱗細冊甚屬均平前已推陞長蘆鹽運司運同奉

旨著

以陞銜仍留趙州知州之任業已欽遵在案相應

題

請將王元烈陞補武定府同知徐樹閔補授景東府掌印同知均屬人地相宜如蒙

聖恩

俞允所遺二缺於滇省現任候補人員內酌量人地相宜另疏請

旨再照王元烈係

命任人員徐樹閔係以陞銜留任之員俱無庸送部引
見合併聲明臣謹會題請

旨雍正七年三月十二日題四月十五日奉

旨該部議奏

兵部右侍郎兼都察院右副都御史總督浙江等處地方軍務兼理糧餉
管理巡撫鹽政兼江南七府五州督捕事務加
錄一次駐扎杭州臣李衛謹

題為恭報微臣交送印務起行日期等事竊臣仰荷

恩旨俯俞入

觀各任印務著臣分派委署聞

命之日遵將督撫鹽政各衙門事務酌量分派於二月二十七日先經具疏報

明併聲明俟浙江觀風整俗使臣蔡仕彤回省文明撫篆起程在案今蔡仕彤已經回省所有審過緊要案件俱經陸續具

題臣謹於雍正七年三月二十二日將

欽頒總督浙江雅字第一百三號銀關防一夥繕錄歷年所奉

上諭七冊及火牌吏書文卷差委鹽驛道副使王鈞同署督標中軍事杭協副將吳進義齎送

欽差副都御史新陞漕運總督臣任桂署理又浙江巡撫衙門

聖諭廣訓漢書一本

上諭二道

上諭清漢書共十一本

聖訓一道總錄歷年所奉

上諭七冊

王命旗牌八面桿副及吏書文卷差委杭州府知府喬世臣同撫標中軍遊擊

劉漢忠齋送浙江觀風整俗使臣蔡仕鼎署理又兩浙鹽政衙門

聖訓一道

欽頒雍字第五百二十七號印信一顆及吏書文卷差委寧紹分司運副徐有

緯齋送浙江布政使臣高斌護理外臣一面束裝就道于二十五日自浙

起行星馳赴京

陛見所有微臣支送各衙門印務及啟行日期理合恭疏

題報謹具奏

聞雅正七年三月二十二日題四月十六日奉
旨該部知道

經筵講官太子太保保和殿大學士兼管吏部戶部尚書事加二級臣張廷玉等謹

題為恭報微臣到任接署巡撫印務日期事該臣等議得署理陝西巡撫印

務西安布政使張廷棟疏稱新任甘肅巡撫臣許容已經抵蘭臣隨於雍正七年二月二十二日遵例將甘肅巡撫關防等項交明即於本日自蘭起身於三月初一日入臣境邠州長武縣地方初四日途次咸陽縣准署撫臣按察使碩色將陝西巡撫關防等項賞送到臣即於本日任事所有應行事宜臣次第辦理抑臣更有請者本省布政使護理撫篆例不展限但前奉

旨署理甘撫今由甘回陝接署其一切

事件應請照例以接署日期扣算展限理合具題等因前來 查本省

布政使護理巡撫印務原無展限之例但西安布政使張廷棟前署甘肅巡撫今由甘回陝復接署陝西巡撫印務與本省布政使任內護理撫篆

者不同應如該署撫所請一切

欽部事件准其以接署之日扣算展限完結恭候
命下臣部遵奉施行臣等未敢擅便謹

題請

旨雍正七年四月十四日題本月十六日奉

旨依議

兵部右侍郎兼都察院右副都御史總督浙江等處地方軍務兼理糧餉
管理巡撫事加六級紀錄二次又軍功紀錄一次駐扎杭州臣李衛謹

題為請

旨酌

補教職事該臣查得恩拔副榜貢生就教者以復設教諭選用又考定知
縣之貢生改教者與舉人以學正教諭用由舉人就教捐納即用者亦于
舉人內即為分缺銓選惟是雍正六年間浙省揀選舉人以教諭

題

補又復設教諭俱補揀選舉人是以科貢與改教候選及捐納即用人員
均無銓選之期業准部行恩拔副榜就教人員與揀貢一同驗看造冊送
部隨據貢生陳鵬升等呈請借缺降補導自効又副榜貢生教習知縣改
教之錢汝翼舉人就教加捐即用之江作揖亦請一例補用行據布政使
高斌議詳前來查揀選舉人與揀選歲貢俱補諭訓惟恩拔副榜均屬正
途因復設諭缺儘補舉人伊等銓選無期未免獨抱向隅訓導與教諭職
掌相同通旨訓導有八十餘缺與復設教諭為數較多今盡歸歲貢多有

老年衰邁之人似屬未均又候選知縣改教者既不得與外省知縣改教教之員一體間補而加捐舉人又不得歸入捐班分缺選用均須俟揀選選舉人用完始選則歲月稽遲以目前堪用之員坐致年力衰頹亦覺可惜仰惟

聖主

用人行政至中盡善可否將直省恩拔副貢與挨貢及廩生捐貢等員較年分缺暫以教諭管訓導事借補仍照原銜陞轉其候選知縣改教舉人就教捐納即用之員均與揀選補教舉人酌量間補恭候

聖鑒臣謹會

題伏乞

皇上睿鑒勅部議覆施行謹題請

旨雍正七年三月二十二日題四月十六日奉

旨該部議奏

護理兩浙鹽政印務浙江等處承宣布政使司布政使加一級臣高斌謹
題為恭報微臣護理鹽政印信日期仰祈

睿鑒事雍正七年三月二十二日奉浙江總督李部院牌開為委護鹽政印務
事照得本部院奉

旨進京

陛見所有兩浙鹽政事務已經具疏

題明外合行委護該司即將寧紹分司運副徐有緯齎到鹽政衙門

聖訓一道印信一顆并文卷等項立達接受護理等因到臣當即恭設香案叩

頭祇受護理訖合將微臣接受印信護理鹽政日期循例具疏

題報伏乞

皇上睿鑒

勅部查照施行謹具奏

聞雍正七年三月二十四日題四月十六日奉

旨該部知道這本及貼黃內書寫李部院字樣不合著飭行

巡撫山西太原等處地方提督雁門等關軍務兼理雲鎮都察院右副都御史加一級降一級留任臣覺羅石麟謹

題為請

題署員實授事該臣看得署孟縣事試用知縣閻煊經臣於

題報孟縣知縣王弘緒病故案內照例

題明委署試用在案茲據署布政司印按察使蔣炯並按察使蔣炯呈稱閻

煊係雍正六年二月十八日到任應扣至雍正七年二月十八日試用一

年已滿查該員操守廉潔辦事勤敏實屬賢員堪以實授等情詳請具

題前來臣查閻煊試用一載以來才守兼優任事實心堪以實謹

題請

旨雍正七年四月初四日題本月十六日奉

旨該部議奏